



Broj: 07-11-1184/23
Vogošća, 30.06.2023. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14 i 59/22), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), Općinski načelnik dana 30.06.2023. godine donio je

ODLUKU
O IZBORU NAJPOVOLJNIJEG PONUĐAČA ZA IZVOĐENJE RADOVA NA
VODOSNABDIJEVANJU NASELJA POTUROVIĆI I LJUBINA NA PODRUČJU OPĆINE
VOGOŠĆA-I FAZA (IZGRADNJA PUMPNE STANICE "POTUROVIĆI" I REZERVOARA
"POTUROVIĆI")

Član 1.

Ponuda ponuđača "Unioninvest" d.d. Sarajevo, ulica Grbavička broj 4. Sarajevo, odabrana je za izvođenje radova na vodosnabdijevanju naselja Poturovići i Ljubina na području općine Vogošća-I faza (izgradnja pumpne stanice "Poturovići" i rezervoara "Poturovići"), kao jedina formalno-pravno prihvatljiva ponuda, sa ponuđenom ukupnom cijenom nabavke u iznosu od 785.621,37 KM bez uračunatog PDV-a, odnosno 919.177,01 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 02.06.2023. godine donio Odluku o pokretanju Otvorenog postupka nabavke radova na vodosnabdijevanju naselja Poturovići i Ljubina na području općine Vogošća-I faza (izgradnja pumpne stanice "Poturovići" i rezervoara "Poturovići"), zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 05.06.2023. godine pod brojem: 1353-1-3-112-3-101/23.

Sažetak Obavještenja o nabavci objavljen je u "Službenom glasniku BiH" broj: 41/23 od 09.06.2023. godine.

Tendersku dokumentaciju sa Portala javnih nabavki BiH je preuzelo 19 (devetnaest) ponuđača. Krajnji rok za dostavu ponuda bio je 26.06.2023. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 26.06.2023. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-1184/23 iz juna 2023. godine i Izmjeni TD broj: 07-11-1184/23 iz juna 2023. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 2 (dvije) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Unioninvest" d.d. Sarajevo	785.621,37	/	/	919.177,01
2	"Mibral" d.o.o. Sarajevo	784.283,87	/	/	917.612,13

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Mibral" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

Tačkom 6.1.1.TD kao i Napomenom 5. u sklopu Aneksa 2 (Obrasca za cijenu ponude) je propisano da prema zahtjevanim tehničkim i opštim uslovima datim od strane KJKP "Vodovod i Kanalizacija" d.o.o. Sarajevo, a vezano za tražene certifikate, ateste i kataloge za nuđeni material, potrebno je kataloge dostaviti u sklopu ponude, sa upisanim kataloškim brojevima. Katalogi mogu biti original ili kopija koja ne mora biti ovjerena.

Ponuđač "Mibral" d.o.o. Sarajevo je u svojoj ponudi u predviđenim kolonama Obrasca za cijenu ponude upisao ponuđene kataloške brojeve, međutim nije dostavio kataloge u sklopu svoje ponude, te je na taj način odstupio od jasno postavljenog zahtjeva ugovornog organa iz TD.

Shodno gore navedenom, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14 i 59/22) predmetna ponuda je formalno-pravno neispravna i kao takva nije prihvatljiva za ugovorni organ.

Komisija za javne nabavke je pristupila razmatranju finansijskog dijela ponude ponuđača "Mibral" d.o.o. Sarajevo, te je izvršena računska provjera dostavljene ponude, nakon čega je utvrđeno da postoji računska greška u Ponudi ponuđača "Mibral" d.o.o. Sarajevo.

Postupajući u skladu sa odredbom člana 17. stav 5. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15) Komisija za javne nabavke je izvršila ispravku računске greške, te je aktom broj: 07-11-1184/23 od 27.06.2023. godine dostavila na davanje saglasnosti ponuđaču "Mibral" d.o.o. Sarajevo.

Ponuđač "Mibral" d.o.o. Sarajevo je svojim aktom broj: 71-1.6.1-06/22 od 27.06.2023. godine dao saglasnost na ispravku računске greške, tako da umjesto ukupne ponuđene cijene u iznosu od 784.283,87 KM bez uračunatog PDV-a, ukupna cijena ponude nakon prihvaćene ispravke od strane ponuđača iznosi 784.598,86 KM bez uračunatog PDV-a.

Detaljnim postupkom pregleda i ocjene ponude, Komisija za javne nabavke je utvrdila da ponuda ponuđača "Unioninvest" d.d. Sarajevo ispunjava formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela Ponude ponuđača koji ispunjava formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računska provjera dostavljene ponude i utvrđeno je da nema računskih grešaka u ponudi ponuđača "Unioninvest" d.d. Sarajevo, a sve u skladu sa odredbom

člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).


Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14 i 59/22), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Unioninvest" d.d. Sarajevo, za izvođenje radova na vodosnabdijevanju naselja Poturovići i Ljubina na području općine Vogošća-I faza (izgradnja pumpne stanice "Poturovići" i rezervoara "Poturovići"), kao jedine formalno-pravno prihvatljive ponude, sa ponuđenom ukupnom cijenom nabavke u iznosu od 785.621,37 KM bez uračunatog PDV-a, odnosno 919.177,01 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura



Kontrolisala: Melisa Kršo





Dostavljeno:

1. "Unioninvest" d.d. Sarajevo
2. "Mibral" d.o.o. Sarajevo
3. Nadležnoj Službi
4. U dosije
5. a/a

sanja.saf@unioninvest.net
info@mibral.ba